

宋詩紀事補遺

宋詩紀事補遺卷之六

歸安陸心源伯剛父輯

蔣堂 厲有

閔山詩 并序

越之府山亦名卧龍爲一境形勝予視事之  
明日見其竹樹零悴僅有半在問吏吏曰爲  
昔人翦伐使然問民民對如吏因悵然久之  
自謂非予守土卽茲山殆將童矣於是申約  
束止樵採作閔山詩云

東南亘羣山形氣或斷續茲山窮嶄絕孤峙越之腹

鬱蒼瞰城闌勝秀爲民福所宜禁樵蘇主者在嚴關  
不知平昔時誰氏來班錄私庖計薪爨無時伐良木  
官膳利貨財彌年翦修竹忽忽事斧斤丁丁響川谷  
萬葉壞密幄千竿倒寒玉輪囷無完枝檀欒鮮遺族  
戕賊殊未厭峰巒翠將禿鶴侶怨且驚雲容慘以慙  
非唯挫生意抑乃傷雅俗王者有仁恩行葦亦沾沐  
嗟嗟若人者忍不思化育今予剖信符於茲憇丹轂  
謂山豈無靈胡爲人所黷呼吏對泉石申禁護林麓  
庶幾養翹英勿使羅殘酷來者賢使君斯言願爲復

題曲水閣

危構跨大淵淪清滌世紛飛湍逢石轉漱玉隔山聞  
影亂林花落叢幽澗草薰茲爲禊飲地何羨右將軍  
諸官詩成因書二韻於後

一派西園飲乍闌山公酩酊上輕鞍東方千騎隨車  
出南國佳人夾路看縱目漸迷山色遠迴頭猶憶水  
聲寒歸來未放賓游散更賦新題刻燭觀

寄題望湖樓

城上危樓勢孤峙樓頭盡見湖中水水色澄明游者  
多古來雅以鑒爲比家家畫舫日斜歸處處菱歌烟  
際起清漣蒙潤一都會碧底涵空三百里溥哉利及

鎮東人而我常嗟馬臻死今茲史君多感槩所以亡  
湖心不已頻登雉堞追古往盛集賓朋爲宴喜樓南  
極目芙蓉花萬疊紅英照千騎

寄題西園

西園昔日多遊從迴流屢泛卮酒空前亭後亭草茵  
軟曉景晚景烟嵐融角巾蕭灑竹林際履綦來往花  
陰中時方偃蕃適四體不料游宦如孤篷數移五馬  
臨大屏幾悵二毛成老翁昨去鄰封亦甚邇  
謂守餘杭也  
祗限一水無由通錦城此舉又遠適流觴雅會何時  
同錢塘山色望不見稽山況在錢塘東

棹歌

湖之水兮碧泱泱環越境兮潤吳疆蒲葦所萃兮鴈  
鷺羣翔朝有行鱸兮暮有歸艍菱牧狎至兮漁採相  
望漑我田疇兮生我稻粱我歲穰熟兮我民樂康馬  
侯之功兮其誰敢忘萼絲紫兮箭筍黃取其潔兮薦  
侯堂醢罍具兮簫鼓張日晡晡兮山蒼蒼侯之來兮  
雲飛揚隔微波兮潛幽光念山可爲席兮湖不可荒  
惟侯之靈兮與流比長萬斯年兮福吾鄉樂吾生兮  
徜徉

飛來山

有山昔飛來神怪安可測萬壑鼓風雷千巖爲羽翼  
胡爲忽移徙到此無傾側靈越得奇峰琅玕失遺跡  
烟雲隨而至杉篁古所植如何草創時偶作瞿曇宅  
聞之有苾芻歲久苦剜刻鑿聲響深崖火燼涖層壁  
詰之州人云向有僧旦暮鑿是山鐫平爲土木基菝  
整不絕又加以火灼醋涖巖崖都盡有蒼翠色金粟千億身窄堵百餘尺回廊盡複疊寸  
地無閒隙一聚紅塵中萬瓦青烟冪成彼有爲善斯  
可長太息我試來尋山山形俱變易方念此嶄絕安  
得如往昔不謂山之足下落言偃室知是騫翥時於  
茲墮巖石屹爾畫疆畔其誰敢侵蝕隨宜得形勝觸

月見齒峯小桂結濃陰清露有疎滴巾履日可賞琴  
樽雅成飾多謝對幽岑亦足開煩臆若在祗園閒豈  
更存餘碧

題妙喜庵

并序

閩公者越之大士也今年秋於鑑湖中得有  
唐妙喜寺遺址結茅而居昔刺史李遜作記  
云雲霞草樹橫在一目卽其地也予嘉之乃  
以寺之昔名名其庵復贊道行形於鄙句云  
禪公覽古意裴徊偶結雲庵向北來滿目滄洲園野  
景一枝金策卓秋苔沙邊水鳥銜花至月下漁人施



供迴或訪稽山舊徒侶樵風應爲送浮杯

以上會稽  
掇英集

### 送梵才大師歸天台

老被詩名繫此身

師曰詩名多爲  
士大夫往還

思山深去避人羣

寶臺千尺隔江見清磬一聲歸路聞巖上開扉燈照

月庵前掃地雪和雲終焉此是清涼處淨住無慚相

國文

師建般若經臺丞相宋  
公爲之立記天台續人

案以上諸詩今本  
春卿遺稿皆失收

### 吳遵路

字安道淑子潤州丹陽人大中祥符五年進士

景祐中工部郎中知洪州就爲江淮制置發運

使康定元年權知開封府終于龍圖閣學士知

永興軍嘗采古今治亂箸皇典數十篇

京口耆舊傳

### 經照湖方干舊居

礪谿垂釣者終得展其才何事先生隱不逢明主來

泉聲秋雨歇月色夜雲開對此空惆悵吟魂早晚迴

會稽掇英集

### 送梵才大師歸天台

高躅動京國靜緣懷故山扁舟乘興往孤鳥倦飛還

社漏重湖外霞城積靄間碧雲聊寓意卽境自幽關

劉起

大中祥符五年以太常博士知台州後知韶州

送張無夢歸天台

瓊臺東畔石橋西三徑無塵古木垂囊裡謦編君相  
賜腹中珠穴老莊知風迴蕙帳過猿嶺月上茅堂透  
鳥枝萬載聖朝高士傳何人更得效依稀天台續集

章仇

一作張姓

桂陽判官建州建安人大中祥符五年進士

烹丁歌

官中逐月催租稅不征穀帛只征銀

輿地紀勝

黃鑑

厲有

送梵才大師歸天台

城闕厭紛華山泉樂清適  
瞥然浮杯歸遠思浩無極  
珍篇藹畫評淨義留泰譯  
平生霧霞衣倏變蘭蒲色  
美號寵彌天端居飽香積  
孤蹤共鳥還情情避高弋  
烟波一葉舟風雨兩鑲錫  
佛壠有幽棲鷹房多善識  
把麈話空無百慮從此息  
回瞻輦寺居不及莓苔石

天台  
續集

石門巖壁

峭壁矗雲三峽裏急湍翻雪五湖邊  
何年造物施神力移到裊中小有天

漢南  
府志

滕宗諒 厲有

寄會稽范希文

江山千里接仁封都在東南秀氣中借問玉皇香案

吏蓬萊何似水晶宮

會稽掇英集

李仲偃

字晉卿南唐後主璟之孫大中祥符八年進士  
調寶應尉累官會稽縣尙書屯田員外郎通判  
台州知真州淮南提刑兩浙運使終于知蘇州  
藏書萬餘卷多手抄者詩筆清婉有集十卷嘉  
祐戊戌卒年七十七見文恭集

桐栢崇道觀

妙道心期赤水求  
隙駒光景任川流  
朝眞淨界瓊臺  
目滌想鮮飈  
玉宇秋芝茹薦盤  
香露散茶腴  
烹鼎綠雲浮  
勞生可念榮華束  
食頃邯鄲枕上遊

天台續集

劉夔

字道元崇安人  
宋祥符八年進士  
由屯田員外郎權侍御史  
歷官江浙淮南轉運使  
知陝州廣州有廉名  
帥湖南平桂陽寇  
京東盜起又知鄆州  
發廩賑貸盜以衰息  
後知福州改建州尋以  
戶部侍郎致仕  
英宗立遷吏部卒  
著有文選筆

粹晉書指掌春秋褒貶志武夷山志

清隱巖

地迥隔塵寰石門雲閉關幽人澹無事白鶴相往還

武夷山志

謝絳厲有

雙松亭

築居喜物外披徑窮木末層阜繞襟帶澄江見豪髮  
紛紛山密熱泱泱春泉活林稍閃獵隕石嘯嘶月澗  
坐久百慮寂望遠孤興發何必較萬殊吾自師吾達  
送餘姚知縣陳最寺丞

稍過山陰接甬東正當兩國畫屏中巖巔僧井通江  
水門外商帆落海風盡日揮絃無一事平時推轂有  
諸公此行絕勝人人羨莫恨猶懷五兩銅

其二

愧君來款關話別憩林間不待風銷暑聊因酒發顏  
滄洲卽欲往清躅暫容攀居者羨行者寄聲思越山  
會稽掇英集

徐陟

字公用浦城人博學強記日誦萬言年未冠挾  
所爲文入京師見孫何何歎賞勉試制科上其



奏議五十卷召試會有家難不赴丁謂當國陟  
不肯見作詩寄意後擢祥符進士以朝奉郎判  
永州嘗作白馬謠數百言勵守邊者

白馬謠

君恩山嶽重汝命羽毛輕

建甯府志

龍昌期

屬有

福州

等閑田地多栽竹是處人家愛讀書飲宴直嘗千戶

酒盤餐唯候兩潮魚

輿地紀勝

蘇爲

屬有

送張無夢歸天台

彤庭留不住歸憶舊山頻世路都無念心源養得真  
瓊臺棲樹石碧落應星辰幾話蟠桃熟罇前醉過春

天台集

曾致堯

厲有

望京樓

望京樓上望望久思踟躕境土連江徼人家匝四隅  
隔山川隱映近郭水榮紆雨過風腥檻潮來岸浸蘆

輿地紀勝

李防

字智周大名內黃人舉進士爲莫州軍事推官  
大中祥符官祕書丞累官至右諫議大夫知永  
興軍宋史有傳

送陳瞻知永州

昔年同醉杏園春別後花枝幾番新彼此官遊疎翰  
墨等閑交面喜絲綸榮親未必須萊子畫錦何當只  
買臣布政莫爲三載計清朝臺閣整口人

金石萃編

周繕

饒州鄱陽人惟簡子見宋史惟簡傳祥符中爲  
臨賀太守

磨崖碑

賢才思述作崖石尙磨礱元子詞華麗顏公筆跡雄

又

筆跡固難泯詞華豈可磨二賢名不朽千古著山阿

輿地紀勝

史溫

大中祥符中知閩清縣多善政魏野有寄贈桃

林尉史溫詩

曹娥廟碑

曹娥廟貌枕江湄南北行人合孝思有智不爭三十

里千年黃絹一廳碑

會稽掇英集

蔡用之

用之字宗野新昌人天禧初進士獻萬言書真  
宗稱爲天下奇才出其文示諸學士曰此江南  
夫子也促赴闕詔下而卒

龍泉秩滿題

昨日新官對舊官吏民一半冷相看夜來惟有前灘

水依舊多情到枕寒

江西詩徵

魯宗道

厲有

送僧歸護國寺

條來條去本無心舊國王家念正深  
猶喜大緣逢景運不辭千里答嘉音  
人間話道經三伏島外棲禪指上林  
留別皇都有新偈苦將泡幻喻升沈

天台續集

解旦

天禧元年知富順監

輿地紀勝

後爲商州刺史

王華陽集

內制

富順

封疆莫嘆極西陲景物尤堪著詠思  
亭臺處處垂楊口街巷家家口酒旗  
舊同吳楚分梅艷新比戎瀘有口枝  
鑿井鹹口通海脉靠山公署映江涯

輿地紀勝

傅瑩

山陰人天禧三年進士官太常博士妻謝濤女  
與梅堯臣爲友壻見范文正集謝濤墓碑

送梵才大師歸天台

結廬深山頂遂懷安隱心安隱如之何道勝塵慮沉  
青霞白雲致茂樹修竹陰翳然北山上令人思重尋  
天台

續集

王達 厲有非一人

濮陽人天禧三年進士歷知池州慶歷元年以  
祠部員外郎知福州

方山寺

眾狀皆窮險茲形獨擅方坦夷中砥礪端正外青蒼  
上帝圍棋局炎君避暑床因嗟太行路更近利名場  
冲虛宮

修煉曾居此傳聞固異常壇留皂笈樹人去白雲鄉  
龜得胎中息神藏肘後方遯東鶴未返華表夜蒼蒼  
三山志

孫沔

字元規會稽人天禧三年進士累官樞密副使  
謚威敏宋史有傳



嚴子陵釣臺二首

舊交爲帝不能邀百尺雙臺照暮濤  
逸迹已將山共永清名曾與月爭高  
魯連解難終辭祿龍伯持傾只釣鼈  
列傳古碑言未盡一灘風竹自蕭騷

中興曾作故人看抗節唯憐七里灘  
枯枿卧沙疑野艇叢篁生岸憶長竿  
天邊舊迹星辰動江上餘基水石寒  
應笑渭濱周呂望白頭因獵縱和鑾

以上嚴陵集

蘇紳 厲有

浮雲樓

城郭依然鄧子國山川分得楚王臺

輿地紀勝

長生檜

檜在惠山大殿之東長十餘丈

幾年飛錫倦尋芳  
雲衲爛斑掩竹房  
一榻夜禪蒲座上  
穩滿孟春供藥苗  
香汲泉巖畔  
驚猿飲裁葦池邊引  
鷺翔像室霧昏燈焰小  
石樓風度磬聲長  
攀蘿別嶺衝寒霧  
掃葉前林趁曉霜  
大抵僧居遺俗慮  
此中身世更清涼

毗陵志

賈昌期

昌朝第官尚書司門郎中

玉兔寺

何事回真館  
標名作淨坊  
金園存廢址  
玉兔效殊祥

躍漢勞宜網環山瑩雪霜來疑崑崙出去訝月輪藏  
隱顯經千載薰修蔭一方寶壇墜道祖華榜耀空王  
奧域居全晉靈祠接慶唐烟霞生四面樓殿起中央  
映日松陰合飄空磬韻長伊余聞勝槩寧惜寄篇章

山西  
通志

許給

天禧中將仕郎試秘書省校書郎

### 南山刻石詩

秘府口著作臧侯天禧元年自泉州晉江捧詔  
知英州到郡察風俗平獄訟敦孝悌勸耕桑簡

潔其政從民之欲□期年而無事侯以天子方  
穆清奉□先聖增□□□詔郡國嚴飾其祠焉  
先是夫子廟建于郡西鳴絃峯下正□所面不  
南其□加之湫隘祭享局促於是右徙度材不  
勞民而更張之廟成殿南面而廊宇□綽猶大  
輅變椎輪之度也官屬民吏過客遊子凡來觀  
者靡不稱歎焉侯自爲之記盡述始末乃命文  
學之士續爲歌詩以示來者州□□隴西李□  
首爲之歌其辭清而中敷不佞亦預□□勉爲  
聲詩總一百四十言雖語句□思悉□可取然

皆口其口口采詩者口口口乎

聖主崇儒本文宣教愈口嚴祠加整葺賢守口遵依

將欲更口口先來相翠微小山開亂石幽谷駐涵暉

在口口涵暉谷並澤火爻符合雷天象庶幾口王儀凜

凜十哲貌頤頤山溜侵廊滴溪雲拂耳飛睇陽鷗鷺

鳥燈兔口魚磯睇陽島口魚磯並列口元氏魂應爽口口道轉

肥唐元傑口開此谷遺口口命建夫子廟靜思登彼

岱深想浴乎沂孟子曰夫子登天下風口巖根竹泉滋石

口口口烁留口貌口會集褻衣忠恕口口學口口口

口口文辭政如是吾欲口口歸廣東通志金石記

案詩刻在英德南山臧  
侯名制見韶州秩官志

李夷度

一作夷庚

字旦之隴西人天禧中吏部員外郎直史館知  
明州至道中知南安軍

生公臺

生公會說法聽石尚孱頑雁塔晴觀海松門夜閉山

林喧羣

下缺

虎邱志

陳映

若拙之子奉禮郎宋史附見若拙傳

汀州

元豐陳汀州見謂黃太史年登境無蝗政恐不相似  
輿地紀勝

王羽

天禧中殿中丞知永州兼護軍

朝陽巖二首

石岸盤危磴煙和曉日濃長桐應待鳳占水必藏龍  
老樹籐多附層崖路莫從平磯看浪沒峭壁任苔封  
簫韻生羣籟嵐光簇眾峰何時有達士棲此信疎慵  
東向水西阿無時景物和松陰不掩戶曉日在煙蘿  
人跡如行少山禽似語多清高知隱者塵慮自銷磨

零陵縣志金石

黃宗旦

字叔才惠安人咸平元年進士累官知蘇州終  
于工部郎中知襄州有集十卷見閩書

送僧歸護國寺

一餅一鉢是生涯來扣樞扉帶礪家寵服降從丹鳳  
闕禪房歸掩赤城霞五芝巘下傳心印八桂峰前散  
雨花還伴白雲重到此看看恩館築堤沙

天台續集

早春

就中喜是龍門客躍出洪波只待雷



泉州府志文苑傳宗旦總角日祖禹錫命賦早奉詩云云當時皆器重之

王從益

乾興時右諫議大夫以父蔭入仕以輒發文移  
輕干府政降秩見宋大詔令二百四

送張無夢歸天台

風馭去難留將期汗漫遊入辭丹陛晚重卧赤城秋  
枕畔紅霞合門前瀑布流龍車歛太帝鶴信寄浮邱  
醉引青鸞曲間披白鹿裘夜來胡蝶夢先已到瀛洲

天台集

初暉

膠水人第進士真宗時厯官集賢院知澠州母  
喪廬墓哀麻素食經六冬有白烏白兔馴擾墓  
側狀聞詔賜粟帛

送張無夢歸天台山

閒倚天台看曙霞自然龍漢度無涯暫來演道明光  
殿歸去乘蹻太上家帝簡賜謨旌火棗世人何處訪  
桃花到山若赴崑崙會還控青鸞白鳳車

紫皇宮闕羅高濤花虬玉鳳圍墉城長生曲奏昇天  
行神僊縹緲喧相迎栖真何必拋塵網鸞輪萬里時  
來往張公結廬天台山赤城霞起三千丈天子好道

思崆峒欲使億兆歸厖鴻鳳臺峩峩十二重先生忽  
造明光宮無爲清淨化可守能助羲軒致仁壽其羨  
乘躋歸洞宮他日騎龍卻來否

天台集

曹谷

善星歷眞宗時人

爲王欽石作命書

七十年中一一加弄珠灘上事堪誇碧油幢下聞啼  
鳥千日招還上漢槎

周匝將臨壬戌歲定鼎門前春色異一千日上少三  
環再入和羹宜盡瘁

歸去尚猶聞禁漏異姓嘉名在史書古今類事

古今類事曹谷爲王欽若作命書云云  
若果七十二歲建節知襄州正得千曰召  
還後欽若判西京七百日再入政府卒乃  
壬戌歲死之夕漏將盡則谷之術信妙矣

送張無夢歸天台

幾載仙山下無機世莫分因爲天市客方識帝鄉雲

鍊氣壺中是還元海內聞還元篇名高赤城洞訝賜紫

皇君步逐鸞輪健香隨斗極焚何當挹蓬闥鸞鳥自

成羣

馬知節

字子元幽州薊人幼孤太宗時以蔭補供奉官

賜今名年十八監彭州兵又監潭州兵時何承  
矩爲守鎮以文雅飾吏治知節慕之因折節讀  
書官至彰德軍留後知貝州兼部署未幾卒年  
六十五贈侍中諡正惠宋史三百七十八有傳  
送張無夢歸天台山

暫至朝真主却思歸舊峰只依三事布唯有一枝筇  
月上當孤室風來自古松陰功從此滿何處覓遺蹤  
天台集

崔希範

眞宗時人

送張無夢歸天台

孤雲須信少常期未作禎祥又欲歸零雨只宜滋大  
旱山川終稱養沉機夜寒放意文章險春盡平生笋  
蕨肥若是蒲輪重到日讓辭賤表莫重飛

天台續集

陳越 厲有

送張無夢歸天台

紫籍仙階貴丹丘隱路深五圖傳秘訣三祝契堯心  
瓢飲和瓊蕊樓居接桂陰宸謨旌有道垂象賁中林

天台集

陳旣濟

送張無夢歸天台

暫到京城住，辭堯返舊廬。  
身耽泉石樂，心向利名疎。  
鶴靜來華表，雲閒出太虛。  
錢塘應過日，秋水滿紅蕖。

天台集

孫冲

字子和，趙州人。舉明經，真宗時知天雄軍。再知潞州，官止。集賢學士，宋史有傳。

題桑子鋪石壁

峨峨溪畔石，迢迢石邊路。  
寄言名利徒，清閑誠足慕。

山西通志

送張無夢歸天台

天台山裡草堂低，一到都城識面稀。  
綺里冠裳遵漢命，許由風骨謝堯歸。  
去時暑氣蒸船滴，到日秋雲伴鶴飛。  
誰向薜蘿尋覓得，石橋侵漢見依微。

天台續集

長平懷古

邯鄲無策信馮亭，上黨須貪澤起兵。  
趙括母言猶不聽，當時誰肯計長平。

山西通志

過古夾寨城

宋氏英聲振并門，意氣揚兩雄爭裂土。  
百戰競圖王揣敵，惟虞晉軌頤已噬。  
唐大河分背面上，黨扼咽喉



地利知爲勝人心彼未遑重圍誇壁立夾寨逞虹張  
塹道便輸饋游兵勁絕糧蒙衝窺女堞鉤戟伺郛牆  
踞峙培山峻環圍列塹長力攻須陷沒堅拒倚金湯  
墨帶推才妙班斤銜技良萬夫橫劍刃一噉墮夷傷  
野草塗肝腦貪心怒虎狼嘶鳴宵遁馬感慨守陣郎  
戈甲從誰息功名漫自狂逡巡稱五代合沓闕干塲  
此後連吞併於時旋覆亡昔年勞戰陣今日舊城隍  
耕澁枯骸白風腥鬼火光營基繫井室濠坎密榆桑  
忍殺天還厭陰謀嗣昔昌驅除期出震草昧在開皇  
兵主臨綿宇華胥正樂康廓然文軌至海外截封疆

長治  
縣志

張師德

字尚質去華子開封人舉進士第一真宗時終  
知制誥宋史附去華傳

送僧歸護國寺

喜陪人傑論三乘巖室經年鎖翠稜六代有師傳法  
印萬緣無象監心燈赤城道遠明霞畫瀑布聲寒月  
照冰跡似孤雲縻不得清秋歸興杖蠻藤

天台  
續集

宋詩紀事補遺卷上

男侍讀銜內閣中書樞藩校

宋詩紀事補遺卷之七

歸安陸心源伯

補遺卷之七

李及

字幼幾新鄭人真宗時進士累官樞密直學士  
出知杭州終御史中丞宋史有傳

送僧歸護國寺

高跡甯留得禪心萬法空來從丹闕下去返赤城中  
入舫袈裟月穿林錫杖風何時結香社宴寂與師同

天台  
續集

贈異人李鑒天

夕霧巴城月秋光峽樹春

輿地紀勝

張環 屬有

送梵才大師歸天台

往問維摩疾來探般若心本源雖自在因地亦行深  
灑落溪山色蒼涼竹樹陰宦途如磨蟻何日重登臨

天台續集

張友道

眞宗時人

送梵才大師歸天台

久陪譯館清流集吟苦霜添兩領髭  
默駐王城思舊

隱年來却赴白雲期

詩律密聞高孔釋仙游歸老舊烟霞朝中半是名臣  
友時寄新吟壁罩紗

天台續集

王得益

眞宗朝人

送張無夢歸天台

獨上僊槎汴水湄吟歸舊隱赤城西少微昨夜離丹  
闕雙舄何時到會稽策杖再尋麋鹿逕採芝重躡薜  
蘿梯雲橫皓鶴翹松暎月白孤猿倚樹啼象帝眞源  
通閭域立元幽趣達竿蹄玉皇謨賜恩殊厚好把貞

珉刻聖題

天台續集

張復

眞宗朝人官京兆戶曹與蘇舜欽同題名于華

岳

送張無夢歸天台

學道探立務谷神薜衣疎野見明君暫來北闕利名

地歸去舊山虬鶴羣洞壑深藏塵外士冠裳不繫嶺

頭雲赤城千仞幽居處衣簾秋猿枕上聞

天台續集

李淑

厲有

峴山

峴山如闔襄廬南鉅平躋賞留愛談官邪俗論祭不  
屋君來懷舌茵憑慙孤峯嶽嶇漢之曲雲梁月皐萬  
螺轟輕裘四眺風物嘉賓客文章歡意促酒酣慨涕  
邀靈期金碑揭然民哭遺斧薪弗剪召棠樹簫鼓相  
傳戀社祠使君籍在華光省秩廢諏新刻章請篆楹  
寓采神宴娛比故鑱堅詩播永我嘗學史稱君伐又  
感先賢祀無歇德名信與蒼崖俱曠首紛紛煨壤滅

湖北通志金石

孔陶

眞宗朝人



宋詩十  
三  
登般若臺懷吉上人

古寺尋清賞  
梯雲出薜蘿  
舉頭知日近  
極目得天多  
別嶂千屏列  
長江一帶過  
常聞浮屠境  
况此復如何

天台  
續集

李宗諤 厲有

送僧歸天甯萬年禪院

師住天台寺  
天台水石幽  
眼前皆勝境  
門下盡名流  
法號君恩賜  
精藍國力修  
渡杯來鳳闕  
振錫謁珠旒  
內殿從容對  
神都委曲遊  
高僧類雲鶴  
歸思在林邱  
御札全編得  
宸毫幾處收  
遙思到時節  
烟樹赤城秋

天台  
續集

趙況

眞宗時祠部郎中直史館通判宿州楊億有送  
況詩見武夷新集

送僧歸護國寺

振錫攜瓶謁未央  
薜蘿衣溼惹天香  
曉辭丹陛君恩重  
笑指舊山歸路長  
何處漱泉吟夜月  
幾程聞雨宿雲房  
他年松下敲門去  
應許塵襟拂石牀

又

雲房春鎖赤城邊  
榮著蘭芽謝勝緣  
鑾殿暫來趨玉

陞石橋重去掃金田  
牕噴瀑布千巖雪  
爐焚旃檀一炷烟  
此處深居更誰見  
臍高松偃舊峰前

天台續集

趙安仁

字樂道洛陽人舉進士真宗時累官叅知政事  
卒謚文定所著有集五十卷宋史有傳

送舒殿丞知荊州

建聿提封雲夢澤  
臨民咫尺峴山碑  
煙凝郊郭漳波

淨翠遶樓臺  
楚嶠奇

輿地紀勝

夏竦

厲有

送張無夢歸天台

玉格功成碧詔遲御風千里欵黃扉旋紆蘭珮朝丹  
禁卻捧雲章入翠微綠蘊星辰藏古篆絳宮龍虎開  
神輝東門日暮餘霞散南國烟晴獨鶴歸重結茅茨  
臨乳竇別裁荷芰換塵衣鸞皇若有壺中志從此高  
梧一見稀

赤城崇善寺

丹壁排空峭口濃上眞應此駐靈蹤烟沈曉日明孤  
頂雲破餘霞出半峰巘下法師曾伏虎洞中天子屢  
投龍他年翠輦東巡狩玉牒終須受大封

過天台道中作

驅馬天台路悠悠漸向晨雲間忽見寺山盡偶逢人  
細雨疎篁長微烟古木春行行逢驛道落吹起清塵

石橋

斷澗機幽石蒼然古木陰欹危接山背迢遞過雲心  
峭壁旁千仞飛流下萬尋秦人若驅策蓬島路非溪  
以上天台續集

登台州城樓

樓厭荒城見遠邨倚闌衣袂拂苔紋猿啼晚樹枝枝  
雨僧下秋山級級雲招客酒旗臨畛挂灌田溪水  
渠分洞中應有神仙窟繚亂紅霞出紫氛

送人

野色兼行色長亭一送君束書登古路重繭蹈寒雲  
山過天台小溪臨婺女分流光須強學當仁正崇文  
以上天台續集別編

題滕王閣

面臨江水勢凌霞却倚重城十萬家當檻曉雲依鶴  
嶺拂堦殘雨下龍沙詞人樂石文皆在帝子歡遊事  
朱賒好是良宵金鼓動闌干牛斗逼簷斜

舊江西通志

贈術士張介南歸

上公詩筆千金重逋客歸裝一舸輕莫到青山更招

隱且留明哲爲蒼生

廣農頌

皇哉惟聖躬提天柄億兆歸心三農洽慶廣我田事  
肇修稼政乃置官民乃頌號令號令惟何分條建規  
恩斯懋斯流冗攸歸官民惟何啟職庀司訓之導之  
播種惟時民曰勤止服田力穡晝爾于耕宵爾無斁  
千耦偕飛百穀咸植旣藝浮鹵越經封洫官曰蒞止  
糾力勸能庀我錢鎛疏我溝塍乃能灌溉爰相邱陵  
汙萊以闢游惰用懲赫赫聖謀有作咸覩畎澮四溟  
井疆九土沃野萬里縱橫其畝擁耒成林灑流降雨

陽春如膏原隰如鱗我稼旣華六合生雲稻梁黍稷  
萬井龍文同我婦子或耨或耘八月其穫乃登爾稼  
滯穗棲原餘糧厭野盈溢京庾流衍方夏式歌且謠  
土金同價百姓足矣君孰不足三百之同九年之蓄  
八蜡旣通五禮咸穆藏財于民所寶惟穀君哉君哉  
樂事訓農炎帝之教后稷之功方我王度明而未融  
臣之頌矣永矣無窮

青雀

青雀孤飛毛羽單卑棲豈敢害鵷鸞明珠自有千金  
價莫口他人作彈丸



三井銘

石罅山半三井如鑿圓不可窺深不可度亂澗四入  
飛流外落隨石不盈驕陽不涸冷激松檜碧混崖巉  
山靈所衛神物攸託簫鼓一鳴雷雨間作

以上江西詩徵

畢田 厲有

大哀洲

原注在湘陰縣西四十里博物志云舜崩蒼梧二女以淚揮竹竹盡成斑

玉輦南巡去不還翠娥望斷楚雲間波寒賸寫湘弦  
怨露冷偏滋淚篠斑一水盈盈傷遠目九峰巉巖慘  
愁顏荒洲千古淒涼地半掩空祠向暮山

鵝羊山

原注在長沙北二十里上有仙壇丹竈

羽客何年此煉丹  
向留空竈鎮屏顏  
雲中雞犬仙應  
遠山下鵝羊石  
轉頑湘渚幾因  
滄海變遼城無  
復令威還何年  
仙馭重來此盡  
遣飛騰上九關

神鼎山

原注在湘陰東北絕頂有丹井上有巨人跡

玉跡分明印絕巔  
藥成仙去幾千年  
深藏寶鼎今方  
出合得丹金與世傳

擲鉢峰

原注湘中山水記云昔惠師禪師居般若臺常擲鉢乘之赴陳帝召

應將鉢渡關神通  
擲去乘將赴帝宮  
爭似嶺頭提不起  
於今相續闡宗風

羅漢條

原注長丈餘附木而生

五百移樓絕洞深空留轍跡杳難尋綠絲條帶何人

施長到春來挂滿林

沅湘耆舊傳

石延年

厲有

送則師歸越

歸里圓心復苦形生涯櫓笠伴銅餅魚隨洗鉢衝遺  
粒龍倚移舟識諷經佛廟香遊湖樹暗神濤晴渡越  
峰青高才不獨江山助王謝風流舊有靈

送鄭十學士通理越州

宸命陪分竹仙資貴珥彤入辭中殿闕出貳左廉雄  
過楚前封近

前在池州簽判

還吳舊業空江山復清思萼鱸

起高風海闊悲秦望陵荒歎禹功樓澄鑑湖北城陰  
雪濤束稽壑飛泉石台基下桂叢風流好吟醉王謝  
有餘宮

次種墳

至忠惜甘死越塞一墳孤句踐非王者陶朱亦丈夫  
碑經山燒斷樹帶海潮枯泉下伍員輩相逢相弔無  
以上會稽  
掇英集

宋綬 厲有

送僧歸護國寺

台嶺分燈契上機政庭傳教及禪扉供聞蒲饌持盂

至夢憶霞標振策歸吟硯自澄晨磬澈經窻間掩夕  
香微袍紋迴奪巖芝色貌座人天喜重聞

天台續集

李仲殊

南唐元宗李璟之孫

玉乳泉

玉液煎瓊甃泓澄一脉泉張生題品異丞相與名傳  
薦客流霞勝煎茶掇乳鮮祇園終古在長對白衣仙

丹陽縣志

張傳

字岩卿亳州人進士及第真宗時累官著作佐

郎知奉符縣歷三司度支副使以工部侍郎致仕宋史有傳

廣勝寺

亭險高登畏力微放懷堪此養天機下窺平野遙無際仰視危簷勢欲飛常日羣猿假檻戲有時晴靄拂窻歸旌軒暫駐聊凝睇應笑塵中萬事非

山西通志

郭興

字孟高號月江老人官大理寺丞

上杜世昌相公

恩浹台端禮數寬不煩鵷筍裏宵寒卽看裾珮趨蹌

緩翻識樞衡幹運難劍履光迎鰲禁紫絲綸色炫鳳  
池丹好將寅亮酬天貺密致亨衢五緯安

贈王元之出知黃州

楊花飛雪奈愁何且爲湘纍賦九歌芳草不堪春鵬  
密荒林況復夜猿多風煙經眼憐新隔魍魎窺人喜  
乍過月落橫江天柱杳雲山寥寂想鳴珂

宋詩  
拾遺

張逸

字大隱滎陽人進士及第眞宗時知襄州鄧城  
縣累官樞密直學士知益州宋史有傳

句

遙看山水有雲處便是人心無事鄉

興地紀勝

魏庭堅

天聖元年爲紹興府從事

越中懷古

句無亭下駐驂駢鑑水寒光照客衣張翠鄂君舟上  
去浣紗西子網中歸禹祠草樹空春色秦望風烟半  
夕暉王謝勝遊何處問茂林修竹尙依依

曾楙掇英集

祖士衡

字平叔蔡州上蔡人進士天聖初知吉州宋史  
有傳



送僧歸護國寺

雪中問法傳宗印日暮裁詩變楚騷香積諸天修淨  
供蒲茸三殿賜新袍夜禪錫駐青鴛剎曉渡杯陵白  
鷺齋參罷虛堂惟宴坐風松露桂海蟾高

天台續集

宋咸

字貫之建陽人天聖二年進士累官知邵武軍  
移守韶州轉職方員外郎晉都官郎中嘉祐十  
一年爲轉運使著有易訓等書

陽朔山

獨起獨高雄入漢相耀相映翠成堆若非羣玉崑崙

至卽是三峰海上來疑有洞天通日月絕無樵路到  
塵埃如何得似巨靈手擘向天家對鳳臺

宋詩拾遺

周玠

珣字國璠安仁人天聖二年進士官玉山縣以  
討寇功陞承務郎光祿寺丞累遷至兵部尙書  
謚文釐

姚上亭落成

天上歸來兩鬢星閒中構得小茅亭東風爲我添生

意漸放階前草色青

江西詩微

黃仲通

本名正韶州曲江人天聖二年進士累遷尚書  
屯田員外郎中知惠州軍事余襄公其甥也武  
溪人有墓誌

惠州野吏亭

危亭著舊基登覽一何奇萬態羅浮景三章宰輔詩  
嵐光如畫處霽色乍開時味此休閒趣惟予野吏知  
粵詩  
蒐逸

黃孝先 厲有

留題清渭廡

黃公愛山不知休終日不下清渭廡與官落得官下

隱愛山不得山中遊朝看暮看山更好古人今人空  
自老天生定分不可移白雲悠悠寄裏抱石

楊申

申字宣卿其先廬陵人遷新喻天聖二年進士  
官光祿卿論新法不合出知濟州尋以中散大  
夫致仕與蘇明允梅聖俞友善呂大防表其居  
曰耆德坊

四登科詩

爲謝岐謝舉廉謝世充  
謝棠同榜登科而作

榮第時皆有通家得者稀德星一門聚畫錦四人歸  
苦學酬身世佳名播帝畿效官修政術此去展才徽

江西  
詩徵

蘇仲昌

泉州晉江人天聖二年進士官屯田郎中衛將軍提點湖南刑獄子紳孫頌宋史皆有傳

岳陽

高城倒影下無地秋水含空長有天

輿地紀勝

孫昌齡

元豐中屯田郎中知溫州

和孔司封題蓬萊閣

突兀軒楹氣象豪使君攜客共遊遨坐來面揖湖山

勝行處深騰日月高隱約壺中露蓬島分明海上涌  
金鼇宜酬絕景頻吟醉況是東南暫擁旄

會稽掇英集

清水閣會林介夫

一別東嘉已十年白頭重訪舊林泉交情喜共星車  
飲主道來逢郡將賢單騎遠馳中禁使清談分坐隱  
居仙高僧起乞題名版異日留爲野老傳

瑞安縣志

胡宿

厲有

承旨尚書和梵才大師秋興十章出於傑筆句  
奇格老且有來命俾之次韻哀思久涸蕪音僅  
足誠不堪附哲匠之末姑以尋梵才之舊亦各

見志耳

遠行

古有悲秋篇遠行第三句人情重辭家客意倦長路  
征馬涉高岡栖鳥集喬樹慘澹層陰生呼號勁風怒  
匣琴徒自攜杯酒與誰遇衣帶緩於前衣香非復故

游囑

号宇斗澄霽池臺始登臨幽芳無艷質爽籟有真音  
閒雲乍明滅寒鵝忽浮沈青山晴好望白道細可尋  
疎蟬嘒急管跳鯉應鳴琴微風獵椒桂快哉一披襟

雜興

嚴霜落百草不問菊與蘭行觀秀色委坐使芳意殘  
有酒聊自把無萱良鮮懽安得青精飯爲駐顏如丹

邊思

勁氣初折膠犇書聞插羽寒金刁斗鳴夕火堦零舉  
霜威畫角雄月思清笳苦驃騎出鑿兵輕車前碣虜  
一鼓係名王三捷獻英主天山挂彫弓玉塞休疆弩  
龍額近封侯華堂盛歌舞

田舍

農家私物成腰鎌刈新穀得食雞豚肥飽霜梨栗熟  
牧童唱田歌孺子宰社肉野老醉亦謳愛此羲皇俗



感懷

高秋感慘慄中夜起盤桓  
啼螿思月底哀鴻杳雲端  
遺喟尚號節初鵬早催寒  
新霜霑客鬢淒風入人肝  
拂枕了無寐取琴不能彈  
壯圖成齟齬老淚空汎瀾  
逢辰今匪易行志古良難

山中

乘秋尋遠壑偶到幽人家  
濁醪釀秫米香飯炊胡麻  
微徑捫蘿蔦高峰弄雲霞  
餐和殆忘返落景半規斜

醺集

鬱陶倦煩暑爽豁逢蕭辰  
開樽有歡伯傾坐得嘉賓

雕盤薦肥羜寶刀膾霜鱗清談屏世務善諱到天眞  
須言燭可繼莫訴盃行頻至道諒在已物外不關身

怨思

陰蟲思衰草羈雌啼空林盛秋授寒服獨夜擣清砧  
影孤隨月瘦肌薄怯霜侵平生託義分夢想在容音  
山頭憐化石陌上重辭金安得兩黃鵠因之傳此心

送客

秋意自不適况復登河梁眷言送歸客徒倚見斜陽  
雜佩解席上班騅嘶路傍風雲感素節絃筦思清商  
菊殘餘老蕊蕙晚非新香何日致叩叩臨行持一觴

天台續集

案以上各詩  
文恭集失收

張沃

福州閩縣人天聖二年進士官饒州都曹

蟄龍潭

蟄龍潭裡蟄潭上風波急一日飛上天魚蝦不相及

全閩詩話蟄龍潭上有洲形如半月名半月洲宋進士張肩孟居此其子勔六歲誦唐詩誰把玉環分兩片半將江水半浮空之句以形容其勝又有張沃者七歲不能言一日過此潭開口詠云云

許覺之  
厲有

藥洲

熙寧甲寅

花藥氛氲海上洲  
水中雲影帶沙流  
直應路與銀潢接  
槎客時來犯斗牛

再游陽春通眞巖

壁倚乾甯碣龕籠大業僧  
七年馳使路兩躡石梯層  
被召北歸臚丹琅石遊碧落洞二首

崖卷層霄闊溪穿碧玉橫  
鉅河一派水終日瀉天聲  
玉峯剝石盡滿室碧琅玕  
太始藏靈氣寥寥五月寒  
南山宣聖廟竊見太守黃公題名有作

千仞巖巖湧白雲  
不教紫翠落塵氛  
長留雨後凭欄

意堆疊清光伴使君

又

數仞環分一徑深  
講筵深處暮烟沈  
金鈴木舌新揚意  
忠孝昭昭刺史心

湖上十亭

昔年曾看海陽圖  
巧狀湖山恐見誣  
今日登臨真可愛  
畫圖翻覺少工夫

連州志古蹟湖上十亭在海陽湖上唐刺史劉禹錫建曰吏隱亭曰切雲亭曰雲英潭曰真覽亭曰裴溪曰飛線瀑曰蒙池曰菴絲瀑曰月窟曰雙溪元和間裴休以御史坐事貶連州嘗與禹錫相倡和爲海陽十詠宋運使許彥先有詩云云今此

詹先野

潛研堂金石文跋尾續第四許彥先藥州詩跋云彥先字覺之元祐二年丁卯知隨州得漢碑于洲之舜子巷徙置後園刻詩一篇於碑額蓋嗜古而好事者也王荆公集有送許覺之奉使東川詩愚按荆公集尚有次韻覺之七律一首其原詩不可考

字景舒崇安人經史百家歷覽無遺天聖四年領鄉荐繼應賢良科後竟不仕隱武夷

廩江

武夷溪九曲曲曲可垂釣自得溪山樂何須公與侯

武夷山志

邵炳

自號白雲先生涪安人天聖五年進士爲富陽  
簿秩滿歸築樓名白雲而隱焉張文定在諫垣  
薦之召赴闕上時政機要策三篇除校書郎知  
義烏縣不赴復還舊隱

題釣臺

光武休戈詔子陵高臺時暫別烟汀當時四海皆臣  
妾獨有先生占客星

酬通判楊殿丞名霖巖洞

雲峰千仞對吾廬洞古名新郡守書須信神靈知受

賜先與霖雨遠隨車

以上嚴陵集

葛閣 厲有

寄睦州朱少卿

何幸鄉枌託使麾  
憶曾淮潞見風儀  
泉分龍岫成新釀  
廟鎖瓊蕤換舊枝  
維揚后土廟有瓊花  
二水清涵潭月夜  
千峰晴捲雪雲時  
向來蕭洒稱名郡  
少緩龔黃次補期

經大洋吳氏別業

漸老故人少與君  
茲晤言方山共鄰里  
好時舊田園  
溪色寒生枕松陰  
翠入軒猶憐巾子在  
相對舉清尊  
予明道中與邵隱之王君章有巾子山聯句之作

新定望湖樓



龍盤山影倒寒流十里屏風翠八樓畫筆肯歸涵碧  
手劉夢得涵碧圖詩有落  
在尋常畫師手之句湖光疑對湧金秋錢塘主  
翁愛客排三雅漁父忘機任直鉤爲訪紅雲遶花島  
滿船歌舞按梁州

同孝叔游蕭酒亭

昔日賢侯多興詠爲憐蕭酒復潺湲一橋飛處橫牛  
渚孝叔新建  
水南浮橋二水清來見浙源沈杜有新安江見底  
及遠分丁字水之句  
竊以孝叔雨漲瀑泉添嶽面晚晴春草帶潮痕好風  
新月想留意只恐張綱擁使軒

題思范軒二首

英袞多年去竹軒更思風節紀山樊抗言后坐遺忠

美

見爰盜傳卻遠慎夫人生次故事

通使河源舊策存

文正嘗摠西事詩石

欲留千古永

竹閣倡和數首太守孝叔書丹

棠陰還對一樓繁

西湖有甘

樓亦旌德政

史君才望須相繼莫厭林間駐畫輜

天下儒宗不世勳履聲今絕豈重聞空餘逸韻傳流

水猶喜清風在此君山倚孔祠分積翠

文正初建孔祠於此山面

篆尋嚴瀨掛香雲

文正為嚴光廟記邵疎篆石

接花訓倡將三紀

時拂塵篇見舊文

某嘗為接花歌文正得之於從事章君因而繼作見丹陽集

### 題玉泉

靈源曾記古篇章飛入霜筠萬丈長六月林風吹寶

瑟九秋山翠圻銀潢試茶石鼎雲含液釀酒兵厨菊  
有香到此欲知眞玉性不爲圓折本來方

同孝叔游玉泉

石磴松陰一化城泉源疑透古瑤京僧知到耳此根  
靜客來洗心諸慮清星紀祥光重壁合藍田霽色暮  
烟生潺湲似識君將去相送出山多別情

初夏同孝叔游普光寺

魚跳蓮葉青錢小雪壓花枝玉燕參細草使輶瞻鹿  
擾微風池果落鶯含滿甌春茗浮仙露一點尖峯滴  
翠嵐卻逐歸舟更多景晚來雌霓挂寒潭

初夏同孝叔游朱氏園

凍醪盧橘助登臨此地相逢舊友音  
石澗自知梅信密池方應爲玉流  
深詩成山色排晴砌話久花枝轉  
夕陰不見辟疆妨底事月樓歸去正龍吟

留題千峰榭呈孝叔

君把玄英詩集披羣山依舊遶軒墀  
杜陵幾醉花前地謝客曾吟日落時  
雨過荷香兼酒美雲深泉韻透  
簾遲佳名大約稱千數百萬嵐盤一一奇

題新定郡齋寄孝叔二首

主人今向日邊歸猶有清香滿謝池  
爲囑西風莫搖

落不禁顚頓夕陽時

右後池荷

花意知君改外臺亂紅飛盡見蒼苔縱教顏色明年

在前度劉郎肯再來

右賞春亭

### 留題玉泉山堂

動非緣境靜非禪物物前塵現四天此地筌蹄求妙  
論有時瓊瑤獻諸仙欲梅泉石多秋思過夏松篁  
晝眠一箇攢眉招不至勞師香火漏沈蓮

### 題新定紅葉閣

烟捲龍綃艷格殊彩霞翻處好風俱幾杯仙露含秋  
色一曲蟾宮在畫圖雨送清香浮酒面泉飛幽韻透

城隅州民多有東南美盡應嘉招入幕無以上嚴陵集

招桐柏李道士

海嶺重重接紫虛高人還肯敝仙裾玉蟾點滴有清  
露少費研朱寫道書

遊白雲軒贈冲一道正

無事之時無事身天將冲淡養吾真鵠鳶啄腐成滋  
味豈識朝霞吐巖人

題清輝堂

歸老雲邊一翠岑靜中觀動照人心谿湖北上又東  
去不似青山無古今

羅漢閣煎茶應供

山泉飛出白雲寒來獻靈芽秉燭看俄頃有花過口

百三甌如吸玉腴乾

閣上四座晝陰深邃處卽持炬照之是時有茶花數百甌或六

出或五出而金絲徘徊覆面及蘇盤金富無碍尊盡乾皆有飲痕

送神

丹霞縹緲海三峰歸去瓊臺第幾重仙驥一聲風馭  
遠月明清露滴金松

迎神

符去千年人尙畏神林三鼓酒盈杯油囊爲取天河  
水更折蟠桃海上來

桐柏崇道觀

昔賢書洞石臺有伯陽經碧海船多却金霞夜不扃  
爐成九轉藥階布六符星捷徑非君意深遊不死庭  
以上天台續集

盛奇

永春人天聖五年進士

毘藍巖

別開洞壑翠微齊蘿薜雲深路轉迷一榻繁陰炎掃  
午六秋巖畔足幽棲

永春州志



宋詩紀事補遺卷七 男侍讀銜內閣中書樹藩校